

按粵疏稿

題加鹽引疏



題爲議增引餉以清鹽政以裨

國計事臣以菲才叨役粵東欽奉

勅諭帶管鹽法

命臣查照該部題准事宜加意整飭所徵鹽課及私
鹽徒囚等銀每歲量留十分之三存貯本處備用
餘解太倉以供邊餉先該戶部奏要查處已增之
利興舉可增之利尙宜督率該道等官逐一查勘
要見已增者除留備軍餉外餘剩若干可增者實

有若干俱要盡數解部臣欽此欽遵除將應徵鹽課等銀遵行所司每歲照額完解外隨查按管卷內先奉都察院勘劄准戶部咨稱東粵產鹽二十九場兩淮雖多二場乃有二場無鹽兩淮行鹽三十五府而東粵三十一處今又加衡州寶慶則三十三府州矣視兩淮止少二處耳查其解京兩淮近漸增至六十八萬兩而邊中正引又四十餘萬兩廣東纔一萬九百八兩耳又無邊中鹽糧抑何懸絕之甚如南贛吉安三府

往者在淮行鹽九萬九千九百餘引鹽課則十
萬餘兩也今三府止認廣課一千六百兩而贛
州鹽稅解京存鎮者不過一萬八千餘兩耳無
乃利歸于商而卸擔于淮歟此宜別議增引加
課以充濟邊之用者豈粵中諸司獨無分猷共
念之責歟福建巡按奏添引二萬六千七百七
十五道未必無少補云而粵東獨行私票不用
部引上下相蒙弊極中飽等因該前按臣通行
布政司及鹽法道轉行提舉司并各府縣查議

去後延久未報該臣牌行鹽道看得部文所稱
粵東產鹽行鹽較與兩淮相若而歲計餉額引
額何與兩淮頓殊所持亦大有理本院叨按是
邦一以惠民惠商爲主第多方諮求商客獲利
數倍百姓未霑分毫而

國家鹽法之壞至今已極安可不務變通哉查得
省城食指甚衆每歲銷鹽奚啻八九百引而七
門阜商歲僅告引二百五十道耳此非私鹽行
而官引虧乎韶州阜至樂昌平石村連州阜至

星子白牛橋平石以西白牛以北毗連于楚郴
桂宜臨等縣皆從白牛平石水次止處買食先
經司道議以韶連二處每年各拆引一萬道嗣
該軍門酌議中裁每年韶州拆引七千道連州
拆引八千道今韶連各僅拆三千六百道何故
不遵前議欽州則私設阜頭運鹽西省南雄南
贛吉安梧州及各州縣阜商俱帶私鹽大損引
課業行司道酌議迄今未有增者夫粵東行鹽
地方三十三府州視閩之八府已四倍之閩中

增引二萬六千七百七十五道而粵東諉之難
加誰其信之至於南贛吉三府兩淮屢年取復
粵東官司力爭始得乃在淮則輸課十萬而在
粵僅認課千餘此正部中所謂利歸于商也今
查南雄南贛吉安四府與梧州引無定額聽商
散拆夫此輩專利無厭雖官引不用亦所甘心
安可聽其自多自少哉又海北原有提舉一官
專理餉引而後始裁減也夫其地旣可設提舉
宜與嶺南不甚懸絕乃邇來事權旁落奸棍橫

行如洗紹昌等止納欽州地租則私創八阜運
鹽西省而廣東引餉一槩置之尤爲可訝此皆
亟宜改轍特立章程者蓋粵引之縮全由私鹽
之盛行如水客往場纔告百引而夾帶且以二
倍阜商告引私帶亦然是以客商獲利最厚

國家入餉轉虧倘果按實而求奚啻可加一倍與
其哓哓爲道旁之舍不若斷斷爲畫一之規相
應酌量加引三萬道酌令各商隨地哀益將省
城韶連贛梧及通省州縣各阜細加查議其阜

原引若干今應增引若干該餉若干原無定額者今應作何定議若干務將三萬之數派分停妥造冊臚列并查何故不用部引而用私票通議詳報以憑覆議具

題去後隨查臣自受事以後止據韶州西河江商蕭以福郭廷振等連州江商孫景賢熊萱等英翁商人許玉吳完等赴告增引該臣查得粵中阜商更易靡常原非一定之役中有一年而更者有二三年而更者有因折閱而弃者有告預

餉而頂者有稍增引餉而攬阜者有慮失已承
年分而勉強告增者此輩惟利是趨恐難責其
後效又行該道覈查蕭以福等告增引數果係
原承地方上加增抑或尚有別故務查明白以
免朦朧啓爭續又據商歐才興劉櫟劉兼萬康
弘昇唐興劉秉秋許天相歐世昌鍾興黎李裕
蔡有富等告承欽州始興翁源海豐等縣增阜
連州陽山和平清遠等縣增引共叁拾餘紙竈
民吳泰等告增餉銀貳紙并東莞新寧等縣申

詳竈丁增餉俱批鹽法道查報續據鹽課提舉
司遵照臣牌將參萬引之數酌以額引每拾加
一或設阜新增派行通省州縣及南贛梧州各
路行鹽商阜認增引數詳報鹽法道覆議轉報
隨據該道呈詳據廣南韶惠潮肇高雷廉瓊等
各府議派不一有稱舊額引數已足難以加增
有稱地里人稀無處銷售有稱原係產鹽地方
竈丁自煎自賣並無設有阜引煮鹽者多食鹽
者少尚欲告罄實難加增至于利

國病民司牧者所不忍爲等因到道當批增引加
餉部文督催甚嚴須從長酌議確詳又據南雄
府詳稱南雄商鹽廠無定引餉無定額蓋以南
贛吉叁府行鹽之地接買商鹽盈縮不一故鹽
多散拆未可數拘所從來久矣難以把着議加
且保昌一縣食鹽勢必藉此拆買今欲更立一
阜人烟止此耳召諭日久並無一人承任者而
非故爲空文搪塞也緣由到道復批府再加酌
議倘萬難再增必如鹽司原議引上增餉始便

轉報隨據鹽課提舉司呈詳廣州屬東莞靖康
等場竈民吳泰等告稱竈丁煎鹽待商以鬻供
輸課餉因該場河淺濬狹商人船大難進或海
防嚴密客商少到鹽積難銷民生坐困東莞場
民吳泰等告增餉銀捌拾兩秦興等增餉叁拾
兩各運鹽順德獅嶺石灘海面發賣蛋民醃魚
靖康場民林冲漢等告增餉銀叁拾兩龍國正
等增餉銀叁拾兩各運鹽在本場海外發賣海
晏場民陳章等增餉銀叁拾陸兩蘇國盛等增

餉銀叁拾陸兩各運鹽新會潮居厓門水口發
賣炷峒場民伍鳴等增餉銀叁拾陸兩陳學等
增餉銀叁拾兩各運鹽新會嶺頭三合水口發
賣高州屬博茂場民鄧球等增餉銀捌拾兩陳
進等增餉銀肆拾兩各運鹽新會小江水口發
賣又據廣州府詳稱廣屬行鹽州縣如南海縣
額引捌百壹拾叁道增引貳百壹拾壹道番禺
縣額引捌百貳拾柒道增引貳百叁拾貳道從
化縣額引壹百貳拾道增引叁拾道三水縣額

引壹百捌拾叁道增引肆拾貳道清遠縣額引
伍百壹拾捌道增引壹百貳拾捌道順德縣額
引貳百叁拾道增引伍拾叁道新會縣額引叁
百叁拾伍道增引陸拾玖道增城縣額引壹百
叁拾伍道增引貳拾叁道龍門縣額引貳百壹
拾伍道增引叁拾柒道香山縣額引壹百肆拾
叁道增引叁拾肆道新安縣額引肆拾道增引
拾玖道東莞縣東博臯額引貳百壹拾道原與
博羅縣合臯向以年半爲期今博商自立壹臯

分引柒拾道東莞阜尚存引壹百肆拾道見改
以壹年完銷不加而加相應免議惟派承富賀
引拾道白沙阜額引壹百貳拾叁道增引貳拾
叁道連州上下江并廣商共額引叁千陸百道
今孫景賢等共增引捌百道陽山縣額引陸百
道增引壹百伍拾道連山縣額引貳百壹拾柒
道增引叁拾壹道而順德等縣則詳報難以再
加且鹽司所派亦已適均而各阜引目遞年尚
有遺引近奉考成新例銷引不及分數者分別

叅罰爲縣官者誠欲增引以裨

國計又恐遺引以干

令典固未可強以所難也南雄府詳稱始興縣額
引壹百捌拾捌道據商劉樸告增陸拾道並無
投到應責令舊商鍾興一併增引壹百叁拾貳
道韶州府詳稱曲江縣額引伍百柒拾肆道增
引陸拾柒道仁化縣額引捌百陸拾道增引玖
拾玖道乳源縣額引壹百捌拾道增引捌拾捌
道樂昌縣西河江商額引叁千陸百道今據衆